

**Ўзбекистон касаба уюшмалари Федерациясининг  
Навоий вилояти Кенгашининг  
IX конференцияси  
Қ А Р О Р И  
IX-2 - сон**

2025 йил 7 июль

Навоий шаҳри


**Ўзбекистон касаба уюшмалари Федерацияси Навоий вилояти Кенгаши  
тафтиш комиссиясининг 2020-2025 йиллардаги фаолияти ҳисоботини  
тасдиқлаш тўғрисида**

Ўзбекистон касаба уюшмалари Федерацияси Навоий вилояти Кенгаши Низомининг 3.3-бандига, Ўзбекистон касаба уюшмалари Федерацияси тизимидаги касаба уюшмалари ташкилотларида ҳисобот-сайловларни ўтказиш тўғрисидаги Низомга мувофиқ **Конференция**

**ҚАРОР ҚИЛАДИ:**

1. Ўзбекистон касаба уюшмалари Федерацияси Навоий вилояти Кенгаши тафтиш комиссиясининг 2020-2025 йиллардаги фаолияти ҳисоботи тасдиқлансин.
2. Ўзбекистон касаба уюшмалари Федерациясининг Навоий вилоят Кенгашига тафтиш комиссияси ҳисоботида қайд этилган хато ва камчиликларни бартараф этиш чораларини кўриш топширилсин.

**Раислик қилувчи**



**А.Бобомуродова**



Ўзбекистон касаба уюшмалари Федерациясининг Навоий  
вилоят Кенгаши Конференциясининг 2025 йил  
07 июлдаги 18-2 -сонли қарорига илова

**Ўзбекистон касаба уюшмалари Федерациясининг Навоий вилояти бўйича  
Кенгаши тафтиш комиссиясининг 2020 йил август ойидан 2025 йил июнь  
ойигача бўлган фаолияти бўйича  
ХИСОБОТИ**

Ҳаммамизга маълумки, сўнгги йилларда касаба уюшмалари ташкилотлари фаолиятининг мазмун ва моҳияти тубдан ўзгарди.

Касаба уюшма аъзоларининг ижтимоий-иқтисодий, ҳуқуқий манфаатларини ҳимоялаш, саломатлиги, оиласи, фарзандлари камоли учун ғамхўрлик қилиш, аҳолининг ижтимоий ёрдамга мухтож қисмига моддий ёрдам кўрсатишга эътибор янада кучайтирилди.

Ўтган давр мобайнида вилоят кенгаши томонидан касаба уюшма аъзоларини ҳар томонлама қўллаб-қувватлаш мақсадида муайян ишлар амалга оширилган.

Навоий вилоят касаба уюшма ташкилотининг тафтиш комиссияси 2020-2025 йиллар мобайнида ўз фаолиятини Ўзбекистон Республикасининг "Касаба уюшмалари тўғрисида" ги қонун, касаба уюшмаларининг Устави ва "Тафтиш комиссияси тўғрисида" ги Низом талабларига асосан, йиғилишларда тасдиқланган режа асосида ўз иш фаолиятини олиб борди.

Ўтган даврда 9 маротаба комиссия мажлиси ўтказилди. 2020-2025 йилларда белгиланган режа асосида Навоий вилоят касаба уюшма кенгашида иш юритиш, фуқароларнинг мурожаатлари билан ишлаш, меҳнаткашларнинг ижтимоий-ҳуқуқий манфаатларини ҳимоялаш ва меҳнат муҳофазаси йўналишларида олиб борилган ишлар режалаштирилган чора-тадбирларнинг бажарилиши ва касаба уюшма бюджети маблағларидан оқилона фойдаланиш, даромад ва харажатлар сметаларининг бажарилиши масалалари ўрганилди ва тегишли тавсиялар берилди. Ўрганишлар натижалари 4 марта Ижроия қўмита мажлисларда кўриб чиқилди.

Жумладан Қайд этиш жоизки, вилоят кенгаши ўз фаолиятини ҳар йил тузиладиган иш режасига асосан олиб борган, ҳисобот даврида маърузада айтиб ўтилганидек 7 та кенгаш мажлисида 17 та масалалар кўрилиб қарор қабул қилинган бўлса, 17 та Ижроия қўмита йиғилишлари ўтказилган бўлиб, уларда жами 548 та масала кўриб чиқилиб қарор қабул қилинган. Шундан 446 та қарор сўров йўли орқали қабул қилинган бўлиб барча йиғилишлар белгиланган муддатларда ва тартибда ўтказилган.

Вилоят кенгаши аппаратида хатлар ва мурожаатлар билан ишлашга, иш юритишга алоҳида эътибор берилган.

Ҳисобот даврида инспекция томонидан 820 та корхона ташкилот ва муассаларда меҳнат қонунчилиги ва меҳнатни муҳофаза қилиш соҳасида жамоатчилик назорати ўтказилиб, 2272 та қонунбузилиш ҳолатлари аниқланган, қонун бузилиш ҳолатлари юзасидан иш берувчиларга 267 та курсатма киритилиб 1400 нафар ходимларнинг ҳуқуқлари тикланиб 1 млрд 688 млн сум ҳақ ундириб берилган.



Тафтиш комиссияси ўз ваколати доирасида касаба уюшма бюджети маблағлари тушумлари, бюджетнинг даромадлар ва харажатлар сметаси ижроси, тармоқ касаба уюшмаси вилоят кенгаши ва аъзо ташкилотларда бухгалтерия ҳисоби ва ҳисоботларнинг тўғрилиги устидан назоратни амалга ошириб, даромад ва харажат қисмининг бажарилишига эътиборни кучайтирди.

Ўтган ҳисобот йили давомида касаба уюшма бюджети маблағларидан фойдаланишда Ўзбекистон Касаба уюшмалари Федерацияси Кенгашининг 2013 йил 25-январдаги 7-4-сонли қарори билан тасдиқланган "Касаба уюшмалари Федерацияси тизимида касаба уюшмасига аъзолик бадалларини таксимлаш, касаба уюшма бюджети маблағларидан мақсадли ва самарали фойдаланиш тартиби тўғрисида"ги Низом ва низомга киритилган қўшимча ва ўзгартиришларга асосланиб иш олиб борилган.

**5 йил давомида Касаба уюшма бюджетининг Даромадларига тўхталадиган бўлсак ҳисобот йили давомида касаба уюшма бюджетининг умумий даромадлари 273,1 млрд сўмни ташкил этган бўлиб шундан, 189,4 млрд сўм ёки 69,3 фоизни касаба уюшма аъзолик бадаллари, КУФК томонидан молиялаштириш 23,1 млрд сўм ёки 8,4%, ижтимоий суғурта бюджетидан 1,5 млрд сўм ёки 0,5%, санаторий йўлланмалари ва оромгоҳ йўлланмалари қисман қиймати тўловидан 6,8 млрд сўм ёки 2,4% ни ташкил этган.**

**Касаба уюшма бюджетининг Харажатларига тўхталадиган бўлсак ўтган ҳисобот йили давомида касаба уюшма бюджетининг умумий харажатлари 274,0 млрд сўмни ташкил этган бўлиб шундан, 82,4 млрд сўм ёки 30,0 фоизни маданий-оммавий тадбирлар, 26,0 млрд сўм ёки 9,4 фоизни касаба уюшма аъзолари ва уларнинг оила-аъзоларини санаторийларда фарзандларини эса оромгоҳларда дам олдириш тадбирларига, 4,8 млрд сўм ёки 1,7 фоизи спорт тадбирларига, 70,3 млрд сўм ёки 25,6 фоиз маъмурий хўжалик харажатларига, 13,1 млрд сўм ёки 4,7 фоизни касаба уюшма аъзоларига берилган моддий ёрдамларга, 3,5 млрд сўм ёки 1,2 фоизни касаба уюшма фаолларини рағбатлантиришга ҳамда 72,4 млрд сўм ёки 38,2 фоизи йиғилган умумий аъзолик бадалларидан юқори касаба уюшма органига ўтказилган ажратмалар ҳисобига тўғри келган.**

Касаба уюшма бюджети маблағлари ўтган 5 йил мобайнида қуйидаги йуналишлар бўйича сарф харажатларни амалга оширган:

**Маданий-оммавий тадбирлар бўйича:**

**Ўтган ҳисобот йили давомида Маданий-оммавий тадбирларга 82,4 млрд сўм миқдорида маблағ сарфланган бўлиб, бу жами харажатларнинг 30,0 фоизни ташкил этган.**

Ушбу тадбирларга қилинган харажатлар асосан 14 январ "Ватан химоячилари куни", 8-март "Хотин-қизлар куни", "Навруз" байрамлари, касб байрамлари 9-май "Хотира ва қадирлаш куни", "Рамазон ва Қурбон хайитлари", "Мустақиллик", 11-ноябрь "Касаба уюшмалари куни" 8-декабрь "Конституция куни", "Янги йил байрами", ички туризмни ривожлантириш бўйича Ўзбекистон бўйлаб саёҳатлар уюштиришга, ҳамда Ўзбекистон касаба уюшмалари Федерациясининг муассислигида чоп этилаётган "Ватан" журнали ҳамда "Ишонч" газетасида касаба уюшмаларининг устувор вазифаларини ижроси юзасидан ёритилаётган материал-



лардан хабардор қилиш, меҳнат муносабатлари бўйича савол-жавоблардан фойдаланиш мақсадида йуналтирилган.

**Касаба уюшма бюджети маблағлари ҳисобидан ишчи-ҳодимлар ва уларнинг оила-аъзоларини соғломлаштириш бўйича:**

Навоий вилояти кенгаши томонидан вилоят бўйича 2020-2025 йиллар давомида касаба уюшма бюджети маблағлари ҳисобидан жами 4890 нафар ишчи-ҳодимлар ва уларнинг оила-аъзолари республикамизнинг турли вилоятларида жойлашган санаторийларда соғломлаштирилган ва бу мақсадлар учун **жами 15,7 млрд сўм** маблағлар сарфланган бўлиб шундан 246 нафари бепул дам олдирилиб ушбу мақсадлар учун 509,5 млн сўм маблағ сарфланган.

**Касаба уюшма аъзоларининг фарзандларини болалар соғломлаштириш оромгоҳларида соғломлаштириш бўйича:**

2020-2025 йиллар давомида ишчи ва хизматчиларнинг 5593 нафар фарзандлари вилоятимиздаги “Ишонч”, “Қизилтепа” ва “Табассум” болалар соғломлаштириш оромгоҳларида дам олдирилиб, бу мақсадлар учун жами 4,7 млрд сўм маблағ харажат қилинган. Шундан 2,2 млрд сўм ота-оналар томонидан 1,5 млрд сўм касаба уюшма бюджети маблағлари ҳисобидан ҳамда 0,96 млрд сўми ижтимоий суғурта бюджети маблағлари ҳисобидан қоплаб берилган.

**Ўтган ҳисобот йил даврида ижтимоий суғурта бюджети маблағлари ҳисобидан** 4526 нафар ишчи-хизматчилар санаторий-профилакторийларда соғломлаштирилган ва бу мақсад учун 14,9 млрд сўм маблағлар сарфланган, шундан 510 нафар ҳодимлар бепул соғломлаштирилган ва бу мақсадлар учун 1,4 млрд сўм маблағлар сарфланган.

Бу борада ҳар йили қабул қилинадиган давлат дастурлари асосида кам таъминланган, қўп болали ҳамда олис ва чекка ҳудудларда, мураккаб иқлим шароитида яшовчи оилаларнинг аёллари, фарзанд қўрмаган ёш оилаларнинг ишлайдиган аъзолари, ишловчи кексалар ҳамда таълим ва тиббиёт соҳаси ҳодимларини соғломлаштиришга алоҳида эътибор қаратилган.

**Жисмоний тарбия ва спорт тадбирларига 4,8 млрд сўм маблағ сарфланган бўлиб**, бу жами харажатларнинг 1,7 фоизни ташкил этган ушбу йўналишда вилоятда спорт тадбирларини ташкил этиш ва утказишга кам эътибор қаратилганлигини билдиради.

**Ижтимоий ҳимояга муҳтож касаба уюшма аъзоларига 2020-2025 йиллар давомида** моддий ёрдам бериш учун жами бўлиб 13,1 млрд сўм миқдорида маблағ сарфланган бўлиб, бу жами харажатларнинг 4,7 фоизни ташкил этган.

**Касаба уюшма фаолларини рағбатлантириш мақсадида ўтган беш йил давомида** касаба уюшма фаолларига 3,5 млрд сўм маблағ сарфланган бўлиб, бу жами харажатларнинг 1,2 фоизни ташкил этган.

**Ўзбекистон касаба уюшмалари Федерациясининг Навоий вилояти бўйича Кенгаши тафтиш комиссияси томонидан қўйидаги;**



- Ахборот коммуникациялари яъни интернет тармоғи кенг ривожланаётганлиги сабабли давр талабидан келиб чиқиб, Барча даражадаги касаба уюшма ташкилотларининг молиявий ҳужжатларини юритиш ва ҳисоботларини тақдим этилиши учун касаба уюшмасини ўзининг Ягона онлайн тизимни жорий этишни жадаллаштириш:

- Касаба уюшма аъзолик бадалларини тақсимланишида касаба уюшма ташкилотларининг молиявий имкониятларини инобатга олган ҳолда юкори ташкилотларга аъзолик бадалларидан ажратма қилишнинг табақалаштирилган тизимини киритиш (Яъни маблаг етарли булмаган ташкилотлардан ажратмалар 40% эмас 25-30%)

3. Ўзбекистон касаба уюшмалари Федерацияси томонидан молиявий масалаларда қабул қилинадиган қарорлар қабул қилинишидан олдин бошлангич касаба уюшма ташкилотларининг, туман, шаҳар кенгашларининг молиявий имкониятлари ўрганилиб, уларнинг таклифлари ҳам инобатга олиниб қабул қилишни;

4. Ўзбекистон касаба уюшмалари Федерацияси, Республика кенгашлари, Ўзбекистон касаба уюшмалари Федерацияси Навоий вилоят кенгаши томонидан молиявий масалаларда бошлангич, туман, шаҳар кенгашларига купроқ ўқув амалий машғулотлар ўтказишни;

5. Тафтиш комиссияси тўғрисидаги Низомга, тафтиш комиссияларни мувофиқлаштириш ва уларни ваколатларини аниқ белгилаб бериш ҳамда комиссия аъзоларини қонуний ҳимоя қилиш бўйича ўзгартиришлар киритиш, ҳамда тафтиш комиссияси таркибида буладиган Ўзбекистон касаба уюшмалари Федерацияси Навоий вилоят кенгаши штатида ишлайдиган тафтишчи штат бирлигини киритиш таклифларини билдиради.